

# ՆԵՐՔԻՆ ՏԵՍՈՒԹԻՒՆ

ՀԱՄԱՁԳԱՅԻՆ ՅՈԲԵԼԵԱՆԸ

«Մշակի» № 208-ում տպված Հ. Առաքելեանի դեկտեմբերից, որ նա արել է թիֆլիսի յօրելեանական մասնաժողովի նիստում, յայտնի է, որ մասնաժողովը դեռ այս տարվայ մարտի 11-ին որոշել էր, ի թիւս այլոց, իրքև յաւերժացումն համազգային յօրելեանի, հրատարակել տալ Պարիզի Արևելեան Լեզուների Դպրոցի պրօֆեսօր Ֆ. Մակլերի ձեռքով էջմիածնի փղոսկրեայ աւետարանի լուսատիպ վերաբարդութիւնը, ֆոտոտիպով, որպիսի հրատարակութեան համար պահանջվում է 10,000 ֆրանկ ծախս:

Իր ժամանակին մասնաժողովի նախագահ Հ. Առաքելեան դիմել էր Պետերբուրգ պ. Միքայէլ Պապաջանեանին և խնդրել գտնել մի մեկենաս, որ հոգար այդ ծախքը:

Այժմ մեզ հաղորդում են, որ, պ. Պապաջանեանի դիմութիւնը հիման վրա, պ. Լևոն Մանթաշեան յանձնել է նրան 10,000 ֆրանկ, չիշեալ հրատարակութեան ծախքի համար:

Հետեաբար, էջմիածնի նշանաւոր Աւետարանի ֆոտոտիպ հրատարակութիւնը, հսկողութեամբ պրօֆ. Ֆ. Մակլերի, պէտք է շուտով լոյս տեսնի Պարիզում, իրքի ֆրանսիական ակադեմիայի հրատարակութիւն, կարեոր լուսաբանութիւններով: